

Employee Wages (Hamgorouyar Muzuri) ólottu Haçiraká Januwari 1, 2023 ottu cúru oibou.

- FAMLI incuwarens or thiañ hamgorouyar cíiyar ore 2024 foijjonoto hamgorouyar muzurir 0.45% mokoror gojjé. 2025 sal oite arde yaár bade, FAMLI Division (FAMLI Divicén) or dharikhthár é fottí bosór faänd or maliyatir dam or buniyadi formula mutabek incuwarens or thiañ reith mokoror goribou. Fura decót muth doc bá aróu becí hamgorouya aséde hamor girós ólottu o muth 0.9% olla muzurir 0.45% ezafí adaigorá foribou, kintu no zon bá aróu hom hamgorouya aséde hamor girós ólottu hamgorouyar cíiyar cúde 0.45% ore FAMLI Divicén ot adai goribólla zimmadari tákibou.
- 2023 sal ottu óite, hamor girós óle FAMLI ír cirkot ólla hamgorouyar muzuri ólottu 0.45% foijjonto haçiraká cúrugorít fare. Cádaron muzuri haçirakár maiddóme yían ore adaigorí loiyóre hamgorouya ólore niyomito muzurir cék ot haçiloyéde yían zanai dibou. Haçiraká incuwarens or thiañ iin ore dolagorí hamgorouyar ólor torfóttu tin mace ekbargorí FAMLI Divicén ot fatháidiya oilde girós ólor zimmadari.

Januwari 1, 2024 oite faáida cúru oibou

- Corót kabel oiya ar Colorado (Koloradhu) maze hamgoijjéde étolla goto bosór ot \$2,500 hamaiyéde becá-becí Colorado hamgorouya ólolla 2024 oite, fémili ar elaji tolobdiya cúthkir faáida ókkol faa zaibou.
- Fémili ar elaji tolobdiya cúthkilla kabeliyoti córot ókkol oilde:
 - Baiccar zormo, fala, yáto zimma luwar fore noiya honó baicca re foóila bosór dekbal gorá.
 - Kothín sehéti ocúida óla honó fémili membór ore dekbal gorá.
 - Nizor kothín sehéti ocúidar dekbal gorá.
 - Honó fémili membór or milithári hamor entezam gorá.
 - Góror zurúm, nozordari, cáhawati hámla, yáto cáhawati zurúm or juwab dibólla héfazoti gór, dekbal, ar/yáto kaanuni modot hasel gorá.
- Incuwarens ola hamgorouya ókkole fottí bosór fémili ar elaji tolobdiya cúthki 12 háfta foijjonto faibou. Hámel yáto baicca zormor betala ólor harone kothín sehéti ocúida óla foitto zone fottí bosór fémili ar elaji tolobdiya cúthki aróu ezafí 4 háfta loi muth 16 háfta faibou.
- Cúthki gin ore lagatar, mazé-mazé, yáto homaiya thaim theból fórom loi luwa zaibou.
- Hamgorouyar éveréj háftawari muzurir 90% foijjonto reith loi ekkán maf or buniyad loi cúthkir muzuri di zaibou. Tarár faáida ókkol ore hamgorouya ole famli.colorado.gov ot diya aséde faáida neelar kalkuleithar loi andaz gorí faribou.
- Fémili ar elaji tolobdiya cúthkir kabel oibolla oñnottu ebbere hom mikdari thaim loi oñnor hamor girós or éçe hamgorá no foribou.
- Zodi FAMLI cúthki re fedherel FMLA er matehátot kabel cúthki hísaber ekkán haron ólla estemal goitto saile, tohón cúthki yían ore o FMLA cúthkit estemal gojjé hoi cámil goribou.
- FAMLI faáida ókkol estemal gorár age hamgorouya óle elaji cúthki yáto oinno tolobdiya cúthki ore estemal goribolla basí loit fare, kintu ítarattu yían gorá lazem noi.
- Fura muzuri bodola entezam goribólla elaji cúthki yáto oinno tolobdiya cúthki loi FAMLI faáida ókkol ore ezafí goribólla hamor girós ar hamgorouya óle apóssot razi óit fare.

Daabi ókkolor Fail zomadiya

- Januari 2024 oite cúida ókkol faa zaíbo. Cúida ókkol ólla kengori dorhas goríba iinor taalimat éçe faíba famli.colorado.gov.
- Hamgorouya ókkole yá íitarar mokoror gojja nomainda ókkole ekkán dorhás adde zehonó lazemi dokumen dahel goríyoure FAMLI cúida ókkololla dorhás goríbo My FAMLI+ ór zoriya, ziba éçe faazaibofamil.colorado.gov.
- Ham ottu gair házir uwar age dorhás okkol ore zoma doon sá, ar kessú haálot ólot, iin ore gair házir cúru oi baade zoma díit fare.
- Kobul gojja dorhás ólla dawaá oodode furágoribar dui hafta bútoe FAMLI Divicene thiñya díbo, ar yíarbaade kobul gojja cúthkir muddotolla haftawari díbo.
- Hamgorouya óle FAMLI Divicén ot daabir faáisela ólor afl gorít faribou.
- FAMLI program ore dúka dibólla kuçic gojjéde manúic ókkol faáida ólottu na kabel oi zait fare.

Soorir héfazot ar jari faáida ókkol

- FAMLI ír matahátot hamor giros ókkole hamgorouya ókkolor hok ókkolot dohol andazi gorí nofaríbo, ar he hok ókkol estemal goílle íitarar heélaf forok ya bodola loí no faríbo, ziinor bútoe ase FAMLI ír cúthki, FAMLI baabote dusarazon loi hotá hoon, ar FAMLI tajawuzor baabote cékayot dahel gora.
- Hamor girós or éçe ebbere homót 180 din ham gojjéde zehonó hamgorouya é FAMLI cúthkittu waapés aile, íbaye ekí tobka yáto fuwainna tobkat waapés hamgorít faribou.

Bodolaluwa, Forókgorá, ar Dohóldoon Maná

- FAMLI matehátot hamgorouyar hók ólor maze hamor girós ólottu dohól no doon sá, ar hók iin búkgoréde étolla ítarare forók goron yáto bodola loon no sá.
- Bodolaluwa, forókgorá yáto dohóldoon or cíkar oiyéde hamgorouya óle adalot ot bisar di faribou, yáto FAMLI Divicén ot cikayotnama zoma dí faribou.

Oinno Zoruri Maalumat

- Decór FAMLI plan or ek dhoilla faáida olá ar ezafí hóros yáto pabondi sará oile zehonó hamor girós e ekkán zati plan difaríbo. Zati plan ókkol ore hámahá FAMLI Divicén ottu kobul gorá foribou.
- FAMLI kaanun bángile FAMLI Divicén ot zanaidibolla Hamgorouya ar hamor girós ólore hímmot diyazar.

